

Ikuallattoornissamut illersornissag

Innaallagissamut uuttuuteqarfinni sikringeqarpoq atortulersuutillu artukker-neqarnisaannut imaluunniit atortuni ikku-suunneqartuni attuuttoornikkut sarfaarunnissamut illersuutaasunik.

Anorimit seqinermillu nukissiuutitut ator-tunik ikkussuineq najukkami innaallagissiorfimmik isumasioqateqarluni pisariaqarpoq, taakku malittarisassat atuuttut malillugit ikkussassaammata (inatsisit takukkit).

Anorimit seqinermillu nukissiuutit ikkuffimmut/ikkuffilerfimmut nalinginnaa-sumut atassusiineq inerteqqutaavoq, pissutigalugu taakkua atortulersuutitut sarfamik ingerlatitsisarmata, sikringit assigisaasalu illersornissaanni taamatut atorneqarnissaminnut naatsorsuussaangimmata. Taamatut atassuseeriaaseq atortulersuutiniq ikuallattoornermik kinguneqarsinnaasumik kissattoortitsisin-naavoq.




Anorimit seqinermillu nukis siornermut atortulersuutit atassusernissaat taamaallaat innaallagissiorfiup akuersissuteqarneratigut suliarine-qassapput aammalu imaalil-lugit, atassuteqaatini innaal-lagissap atornerani isuman-naatsuunissaq sunnerneqas-saanani.

Tamanut malittarisassag

Inissiat, illuaqqat, illut assigisaallu tamarmik atassuteqaatinut aalajangersi-masumik atassuteqaangitsut anorimit seqinermillu nukissiuutit aalajanger-simasumik atassusernissaannut malittarisassat malittarissavaat.

Taamaattorli qulaani pisuni innaallagissi-orfimmit akuersissuteqarnissag pisariaqaangilaq.



Innaallagissiornermut oqartussat

Grønlands Elmyndighed

Jagtvej 10
3900 Nuuk

Oqarasuaat: +299 34 93 00
www.elmyndighed.gl

Atortorissaarutiniq ikkussuineq

ANORIMIT SEQINERMILLU NUKISSIORNEQ



**INNAALLAGISSIORNERMUT OQARTUSSAT
GRØNLANDS ELMYNDIGHED**

Anorimit seqinermillu nukissiorneq

Anorip seqerngullu nukinganit Nukissiornerup Kalaallit Nunaanni soqutigineqarnera annertusiartorpoq. Tamannalu ilinnut innaallagisserisumullu oqilisarniarlugu taamatut atortulersuinermi ikkussuinnermut, ingerlatsinnermut aserfallatsaaliinnermullu tunngatillugu malittarisassat aalajangersakkallu matumani paasisaqarfīgissavasi.

Pingaartumik erseqqissaatīgissavarput:

- Ikkussuineq aallartinneqalersinnagu innaallagissiorfik attaveqarfīgineqassammat.
- Tunisassiat CE-mik nalunaaqutaqassammata.
- Innaallagissamut atortulersuutit akuerisaasunit suliarineqarnissaat piumasaqaataammat.

Innaallagissiorfik attaveqarfīgiuk

Atortussat/atortut innaallagissamik piler-suisussat ikkussorneqalersinnagit najuk-kami innaallagissiorfik attaveqarfīgine-qassaaq, kiisalu www.elmelling.dk nalunaarutigalugu.

Innaallagissiorfik tassaavoq atortussat /atortut pineqartut attaveqaatinut ikkuneqarnissaannik aalajangiisussaq, tassa-mi taakkua isumannaatsuunissaq qulak-keersinnaaniassammassuk. Aammami attaveqaatini sarfap killormuulersinnaa-nera pileratarsinnaammat, naak sakkor-tussuseqanngikkaluarluni.

Najukkani assigiinngitsuni innaallagissior-feeqqat innaallagissiorfik ilisimateqqaar-tinnagu attaveqaatinut sarfamik ingerla-titsisinnaanngillat.

Tunisassiat

Tunisassiat innaallagissamut attaveqaa-tit peqatigalugit ingerlatsinnermi atortus-sat CE-mik nalunaaqutaqassapput. CE-mik nalunaaqutaqartitsineq tassaavoq tu-nisassiami aammalu elektromagnetisme-mi akornusersuutaasinnaasutīgut isu-mannaatsuunissaq pillugu piumasaqaatit naammassinneqarsimanerannut takussu-tissaq (EMC).

Tunisassiaq eqqortumik ikkussorneqas-sappat atorneqassappallu atornissaanut danskisut kalaallisulluunniit ilitsersuut paasineqarsinnaasoq pigineqassaaq.

Aammattaq anorisaatinut paasissutissat pigineqartarput, amerlanertīgut tassaasut typip sorliunissaanut akuersissut, tassa-nilu takuneqarsinnaalluni anorisaat anorinut silallu pissusiinut qanoq ittunut atortussanngorlugu ikkussorneqarsin-naansoq kiisalu anorit sunniutigisinnaa-saallu kiisalu qanoq nipitutigisinaanut paasissutissat.

Ikkuffimmut ikkussinissaq inerteqqutaavoq

Anorimit seqinermillu nukissiornermut atugassatut tunisassiat arlaqartut ikkuffimmik nalinginnaasumik ikkuffeqar-tartut Innaallagissiornermut Oqartussat takusarpaat. Tusagassiorfinni allaaserisa-ni ilanngutassianilu ilaatīgut takuneqar-sinnaasarpog tunisassiat taamaattut angerlarsimaffimmi ikkuffimmut nalingin-naasumut qanoq ikkussuunneqarlutillu atassuserneqartartut.

Erseqqissaatīgineqassaaq innaallagissa-mut attaveqaatini atortussat/atortullu tamakkua taamaaliorluni atassuserneqar-nissaat inerteqqutaammat.

Immikkoortumi atassusiineq ingerlatsi-nerlu erseqqinnerusut atuakkit.

Atassusiineq ingerlatsinerlu

Anorimit seqinermillu nukkiuutit nalinginnaasumik innaallagissamut aq-quersuutitut tamatigut atassuserneqarsimassapput, aalajangersimasumik atas-suteqartillugit.

Atortulersuutilli ilaatigut immikkut attaveqartillugit atassuserneqarsinnaapput anorimit seqinermillu sarfalersuutit ikin-neqarsimatinnagit sakkortussuseqarsinnaajunnaarsillugit.

Inigisami atortulersuutitut atassusiineq tamatigut innaallagisserisumit allagartalimmik suliarineqartassapput.

Innaallagissamut uuttuutit ilaasa sarfamik atuineq nalunaarsortarpaat apeqqutaatinnagu sarfaq nammineri-samit tunisassiarineqarsimanersoq attaveqaatininnaanniilluunniit tunniunneqartarnersoq.

Tassa imaappoq ininik piginnittut ilaat ajornerpaamik pisoqartillugu sarfamut anorimit seqinermillu innaallagissium-minngaanneersumut aammattaaq akileqqullugit qinnuigineqarsinnaasut.

Tamanna pinngitsoorniarlugu innaallagis-siorfik attavigineqassaaq.

Kommunini sanatitsinissamut akuersis-suteqartarneq nunaminertamillu tunnius-sisarneq pinngitsoorani pisussaapput.

Tamatumunnga tunngatillugu paasisu-tissinneqarnissamik kommuunit attaveqarfigiuk.

Inatsiseqarneq

Anorimit seqinermillu nukissiuutitut mikisunnguugaluartunut allaat, innaallagissamut atortulersuutitaliit assigalugit, malittarisassaqqarpoq aalajangersagaqarlunilu atorineqartussanik.

Peqqussutit nalunaarutillu

Inatsisartut inatsisaat nr. 12 3. novemberi 1994-imeersoq. Allannguuteqqarpoq Inatsisartut peqqussutaat nr. 19 12.juuni 2019-imeersoq.

Namminersornerrullutik Oqartussat nalunaarutaat nr. 13 11. juni 1996-imeersoq.

Innaallagiasq pillugu inatsiseqarneq

- Kalaallit Nunaanni innaallagissamut ikkussuinermi aammalu atortut innaallagiatortuni peqqussutit ataatsimoorussat.
- Ikkussuinermi nalunaarutit ataatsimoortut Kalaallit Nunaannut. DS/HD 60364
- Ataatsimoortumik malittarisassat kiisalu kalaallisut tapiliussaq. (Fællesregulativ)

